

বাংলাদেশ



গেজেট

অতিরিক্ত সংখ্যা  
কর্তৃপক্ষ কর্তৃক প্রকাশিত

বুধবার, মে ৩০, ২০০৭

গণপ্রজাতন্ত্রী বাংলাদেশ সরকার

কৃষি মন্ত্রণালয়

প্রজ্ঞাপন

তারিখ, ১৪ জ্যৈষ্ঠ ১৪১৪/২৮ মে ২০০৭

এস, আর, ও নং ৯২-আইন/২০০৭।—সার (ব্যবস্থাপনা) আইন, ২০০৬ (২০০৬ সনের ৬নং আইন) এর ধারা ৩০ এ প্রদত্ত ক্ষমতাবলে সরকার নিম্নরূপ বিধিমালা প্রণয়ন করিল, যথাঃ—

১। বিধিমালার নাম।—এই বিধিমালা সার (ব্যবস্থাপনা) বিধিমালা, ২০০৭ নামে অভিহিত হইবে।

২। সংজ্ঞা।—বিষয় বা প্রসঙ্গের পরিপন্থি কোন কিছু না থাকিলে, এই বিধিমালায়—

(ক) “আইন” অর্থ সার (ব্যবস্থাপনা) আইন, ২০০৬ (২০০৬ সনের ৬নং আইন) ;

(খ) “আপিল কর্তৃপক্ষ” অর্থ সচিব, কৃষি মন্ত্রণালয় ;

(গ) “নিবন্ধনকারী কর্তৃপক্ষ” অর্থ এই বিধিমালার বিধি ৩ এ বর্ণিত নিবন্ধনকারী কর্তৃপক্ষ;

(ঘ) “তফসিল” অর্থ এই বিধিমালার সহিত সংযোজিত তফসিল ; এবং;

(ঙ) “নির্ধারিত ফরম” অর্থ এই বিধিমালার সহিত সংযোজিত ফরম।

৩। নিবন্ধনকারী কর্তৃপক্ষ।—আইনের ধারা ২(৯) এর উদ্দেশ্য পূরণকল্পে নিবন্ধনকারী কর্তৃপক্ষ হইবেন কৃষি সম্প্রসারণ অধিদপ্তরের মহাপরিচালক।

( ৫৯৯৯ )

মূল্য : টাকা ৮.০০

৪। নিবন্ধনের আবেদন ও নিবন্ধন ইস্যুকরণ।—(১) কোন ব্যক্তি কর্তৃক কোন প্রকার সার উৎপাদন, আমদানী, সংরক্ষণ, বিতরণ, বিপণন, পরিবহণ বা বিক্রয় করিতে ইচ্ছুক হইলে তাহাকে উক্ত সার নিবন্ধনের জন্য নিম্নে উল্লিখিত ফরমে আবেদন করিতে হইবে, যথাঃ—

ক্রমিক নং	বিবরণ	তফসিলের ফরম নং
(১)	সার উৎপাদনের জন্য নিবন্ধন সনদের আবেদন	ফরম-১
(২)	সার আমদানীর জন্য নিবন্ধন সনদের আবেদন	ফরম-২
(৩)	সার সংরক্ষণ, বিতরণ, বিপণন, পরিবহণ এবং বিক্রয়ের জন্য নিবন্ধন সনদের আবেদন	ফরম-৩
(৪)	নিবন্ধন সনদ নবায়নের জন্য আবেদন	ফরম-৪

(২) উপ-বিধি (১) এ উল্লিখিত আবেদনপত্রের সহিত নিম্নোক্ত কাগজপত্র ও তথ্যাদি দাখিল করিতে হইবে, যথাঃ—

- (ক) ৫ (পাঁচ) কপি পাসপোর্ট সাইজের ফটো;
- (খ) নাগরিকত্ব সনদপত্র ;
- (গ) পাসপোর্টের ফটোকপি ;
- (ঘ) ট্রেড লাইসেন্সের সত্যায়িত কপি ;
- (ঙ) টি, আই, এন, সনদপত্র (Tax Identification Number (TIN) Certificate) এর সত্যায়িত কপি ;
- (চ) মূল্য সংযোজন কর রেজিস্ট্রেশন সার্টিফিকেটের সত্যায়িত কপি ;
- (ছ) আর্থিক স্বচ্ছলতার প্রমাণস্বরূপ ব্যাংকের সনদপত্র ; এবং
- (জ) সার ব্যবস্থাপনার স্থান, অফিস একোমোডেশন, ব্যবসায় কি পরিমাণ অর্থ বিনিয়োগ করা হইবে উহার বিবরণসহ বিনিয়োগ সংক্রান্ত সামগ্রিক পরিকল্পনা এবং যোগাযোগের আধুনিক যন্ত্রপাতি, যথাঃ ফ্যাক্স, ফোন, ইন্টারনেট সংযোগ, ইত্যাদির তালিকাসহ অন্যান্য সুযোগ-সুবিধা থাকিবার স্বপক্ষে প্রয়োজনীয় কাগজপত্র ।

(৩) উপ-বিধি (১) এ উল্লিখিত আবেদনপত্রের সহিত সারের নমুনা সরবরাহ করিতে হইবে এবং আবেদনের সহিত সরবরাহকৃত সারের নমুনা আইনের ধারা ২৭ এর অধীন নির্ধারিত পরীক্ষাগার দ্বারা পরীক্ষা করাইতে হইবে ।

(৪) উপ-বিধি (১) এর অধীন আবেদনপ্রাপ্ত হইবার পর নিবন্ধনকারী কর্তৃপক্ষ আবেদনে উল্লিখিত তথ্যাবলীর সত্যতা যাচাইয়ের জন্য কোন পরিদর্শককে দায়িত্ব অর্পণ করিয়া লিখিত প্রতিবেদন দাখিল করিবার নির্দেশ প্রদান করিবেন ।

(৫) উপ-বিধি (৪) এর অধীন নির্দেশপ্রাপ্ত পরিদর্শক আবেদনে উল্লিখিত স্থান সরেজমিন পরিদর্শন করিবেন এবং প্রাপ্ত তথ্যাবলী পরীক্ষা ও যাবতীয় বিষয়ে অনুসন্ধান করিবার পর তৎবিষয়ে একটি পূর্ণাঙ্গ প্রতিবেদন নির্দেশপ্রাপ্তির ষাট দিনের মধ্যে নিবন্ধনকারী কর্তৃপক্ষের নিকট দাখিল করিবেন ।

(৬) উপ-বিধি (৫) এর অধীনে প্রতিবেদন প্রাপ্তির পর নিবন্ধনকারী কর্তৃপক্ষ অনূর্ধ্ব পনের দিনের মধ্যে আবেদনের বিষয়ে সিদ্ধান্ত প্রদান করিবেন।

(৭) নিবন্ধনকারী কর্তৃপক্ষ আবেদনকারীকে নিবন্ধন সনদ প্রদানের সিদ্ধান্ত গ্রহণ করিলে সেইক্ষেত্রে তফসিলের ফরম-৫ এ বর্ণিত ফরম এ আবেদনকারীর অনুকূলে নিবন্ধন সনদ ইস্যু করিবেন।

(৮) নিবন্ধনকারী কর্তৃপক্ষ কোন আবেদনকারীর আবেদন অগ্রাহ্য করিয়া সিদ্ধান্ত গ্রহণ করিলে সেইক্ষেত্রে সিদ্ধান্ত গ্রহণের সাত দিনের মধ্যে উহা পত্র দ্বারা আবেদনকারীকে অবহিত করিবেন।

(৯) নিবন্ধনকারী কর্তৃপক্ষের সিদ্ধান্ত সংশ্লিষ্ট আবেদনকারী উপ-বিধি (৮) এর অধীন পত্রপ্রাপ্তির পনের দিনের মধ্যে আপিল কর্তৃপক্ষ বরাবরে উক্ত সিদ্ধান্তের বিরুদ্ধে আপিল করিতে পারিবেন।

(১০) উপ-বিধি (৯) এর অধীন আপিল আবেদন প্রাপ্তির পর আপিল কর্তৃপক্ষ আপিল আবেদনকারীকে শুনানীর সুযোগ প্রদান করিয়া উহা নিষ্পত্তি করিবেন এবং এই বিষয়ে আপিল কর্তৃপক্ষের সিদ্ধান্তই চূড়ান্ত বলিয়া গণ্য হইবে।

৫। অযোগ্যতা।—নিম্নবর্ণিত ক্রেটিজনিত কারণে নিবন্ধনের জন্য কোন আবেদনপত্র গ্রহণযোগ্য হইবে না, যথা :—

(ক) আবেদনপত্র অসম্পূর্ণ হইলে বা ভুল তথ্য থাকিলে ;

(খ) আবেদনকারীর নিবন্ধন পূর্বে স্থগিত বা বাতিল হইয়া থাকিলে ; এবং

(গ) আবেদনের তারিখ হইতে পূর্ববর্তী ৩ বৎসরের মধ্যে সার (নিয়ন্ত্রণ) আদেশ, ১৯৯৯ বা সার (ব্যবস্থাপনা) আইন, ২০০৬ অথবা এই বিধিমালার অধীন কোন অপরাধে দোষী সাব্যস্ত হইয়া থাকিলে।

৬। নিবন্ধন ও নবায়ন ফি নির্ধারণ এবং জামানত।—(১) বিধিমালার অধীন নিবন্ধন সনদের ফি হইবে টাকা ৫,০০০.০০ (পাঁচ হাজার)।

(২) নিবন্ধন নবায়ন ফি হইবে টাকা ৫০০.০০ (পাঁচশত) এবং নিবন্ধন নবায়নে ইচ্ছুক প্রত্যেক নিবন্ধন গ্রহীতাকে “ফরম-৪” অনুসারে নিবন্ধনকারী কর্তৃপক্ষের নিকট আবেদন করিতে হইবে।

(৩) নিবন্ধন সনদ প্রাপ্তির জন্য টাকা ৫,০০০.০০ (পাঁচ হাজার) জামানত ফি হিসেবে প্রদান করিতে হইবে।

৭। নিবন্ধনের মেয়াদ।—বিধি ৪ এর উপ-বিধি (৭) অনুসারে প্রদত্ত নিবন্ধন সনদ প্রদানের তারিখ হইতে পরবর্তী ৫ বৎসর মেয়াদের জন্য বলবৎ থাকিবে।

৮। পরিদর্শক।—আইনের ৯(১) ধারার উদ্দেশ্য পূরণকল্পে কৃষি সম্প্রসারণ অধিদপ্তরে কর্মরত উপজেলা কৃষি অফিসার, অতিরিক্ত কৃষি অফিসার ও কৃষি সম্প্রসারণ অফিসারগণ সার পরিদর্শক হিসাবে দায়িত্ব পালন করিবেন।

৯। মামলা দায়ের।—সার সংক্রান্ত আইন লংঘনকারীদের বিরুদ্ধে সার (ব্যবস্থাপনা) আইন, ২০০৬ এর ধারা ৯(২) অনুযায়ী পরিদর্শনকালে, পরিদর্শক আইনের ধারা ৯(৩)(ঙ) মোতাবেক সরকারের পক্ষে মামলা দায়ের করিতে পারিবেন।

১০। সার আমদানী পরিদর্শন কমিটি গঠন।—আইনের ধারা ১১(৪) এর অধীনে সরকার সরকারী আদেশ দ্বারা সমুদ্র, স্থল বা বিমান বন্দরে আমদানীকৃত সার বা সার জাতীয় কাঁচামাল

ছাড়করণের সময় উহার নমুনা সংগ্রহ ও বিশ্লেষণ ত্বরান্বিত এবং ক্রটিমুক্ত করিবার উদ্দেশ্যে নিম্নবর্ণিত সদস্য সমন্বয়ে প্রত্যেকটি বন্দরের জন্য একটি করে 'পরিদর্শন কমিটি' গঠিত হইবে, যথা ঃ—

ক্রমিক নং	প্রতিনিধি	কমিটিতে নির্ধারিত পদ
(১)	উপ-পরিচালক, কৃষি সম্প্রসারণ অধিদপ্তর (সংশ্লিষ্ট জেলার)	আহ্বায়ক
(২)	বিসিআইসি'র ১ জন রাসায়নিক পরীক্ষক	সদস্য
(৩)	সার পরিদর্শক/বিশেষজ্ঞ ১ জন	সদস্য
(৪)	শুল্ক কর্তৃপক্ষের ১ জন প্রতিনিধি	সদস্য
(৫)	পরিবেশ অধিদপ্তরের ১ জন প্রতিনিধি	সদস্য
(৬)	আমদানীকারকের ১ জন প্রতিনিধি	সদস্য
(৭)	Pre-Shipment Inspection Agency' র ১ জন প্রতিনিধি	সদস্য

১১। নমুনা সার আমদানী।—(১) আইনের ধারা ১১(১) এর শর্তাংশের অধীনে নমুনা হিসাবে সর্বোচ্চ বিশ কেজি দানাদার/পাউডার এবং সর্বোচ্চ দশ লিটার তরল সার আমদানী করা যাইবে।

(২) সার আমদানীর ক্ষেত্রে যে সকল শর্ত ও পদ্ধতি অনুসরণ করিতে হয় নমুনা সার আমদানীর ক্ষেত্রেও অনুরূপ শর্ত ও পদ্ধতি অনুসরণ করিতে হইবে।

(৩) নমুনা সার আমদানীর ক্ষেত্রে উক্তরূপ সার অন্য দেশসমূহে ব্যবহারের প্রমাণপত্র এবং তা বাংলাদেশের কৃষি ক্ষেত্রে ব্যবহারের উপযোগীতা সম্পর্কে উৎপাদনকারী কর্তৃক প্রদত্ত সনদ দাখিল করিতে হইবে।

১২। পরিদর্শন কমিটির কার্যপরিধি।—আইনের ধারা ১১(৫) এর অধীন পরিদর্শন কমিটির কার্যপরিধি নিম্নরূপ হইবে, যথা ঃ—

- (ক) আমদানীকৃত সার ও সার জাতীয় দ্রব্য বা কাঁচামাল বন্দরে পৌঁছবার পর আমদানীকারক পরিদর্শন কমিটির নিকট রিপোর্ট করিলে উক্ত আমদানীকৃত সার বিধি সম্মতভাবে আমদানী করা হইয়াছে কিনা তাহা পরীক্ষা-নিরীক্ষা করা;
- (খ) আমদানীকৃত সার বা সার জাতীয় দ্রব্য বা কাঁচামাল সরকার কর্তৃক নির্দেশিত কিনা তাহা নিশ্চিতকরণ;
- (গ) আমদানীকৃত সারের Guaranteed Analysis ও ব্যাংক এলসি এর সত্যায়িত কপি প্রদান করা হইয়াছে কিনা তাহা পরীক্ষা-নিরীক্ষা করা;
- (ঘ) আমদানীকারক 'ডি এ ই' এর নিবন্ধনকৃত কিনা তাহা নিশ্চিতকরণ;
- (ঙ) আমদানীকৃত সার যদি সরকার কর্তৃক নির্দেশিত হয় এবং আমদানীকারক 'ডি এ ই' কর্তৃক নিবন্ধনকৃত হয় তাহা হইলে কমিটি বিধি মোতাবেক নমুনা সংগ্রহ করিয়া তাহা কমপক্ষে দুইটি সরকারী পরীক্ষাগারে পরীক্ষার জন্য প্রেরণ করিবে।
- (চ) তিনটি পরীক্ষাগারের নমুনা পরীক্ষার ফলাফলের মধ্যে যদি দুইটি পরীক্ষার ফলাফল সরকার কর্তৃক নির্দেশিত ফলাফলের অনুরূপ হয়, তাহা হইলে কমিটি সার ছাড়করণের আদেশ প্রদান করিবে;
- (ছ) যদি নমুনা পরীক্ষার ফলাফল সরকার কর্তৃক নির্দেশিত ফলাফলের অনুরূপ না হয় তাহা হইলে কমিটি সার (ব্যবস্থাপনা) আইন, ২০০৬ এর ধারা ১৪(৫) মোতাবেক ব্যবস্থা গ্রহণ করিবার জন্য নির্দেশ প্রদান করিবে; এবং

(জ) যদি আমদানীকৃত সার বা সার জাতীয় দ্রব্য বা উহার কাঁচামাল আইন বা এই বিধিমালার কোন বিধান লংঘনক্রমে আমদানী করা হইয়াছে বলিয়া এই কমিটি মনে করে, তাহা হইলে উক্ত সার বা সার জাতীয় দ্রব্য বা উহার কাঁচামাল জাহাজ বা ক্ষেত্রমত, অন্য কোন পরিযান হইতে খালাস বন্ধ রাখিতে হইবে এবং তৎক্ষণাৎ উহা সংশ্লিষ্ট কর্তৃপক্ষকে অবহিত করিতে হইবে।

১৩। **বিনির্দেশ বহির্ভূত বা পরিবেশ দূষণকারী সার, সার জাতীয় দ্রব্য বা কাঁচামাল বিনষ্টকরণ।**—(১) যদি নমুনা পরীক্ষায় সার বা সার জাতীয় দ্রব্য বা উহার কাঁচামাল বিনির্দেশ বহির্ভূত অথবা পরিবেশ দূষণকারী বলিয়া প্রমাণিত হয় তাহা হইলে, সংশ্লিষ্ট সার উৎপাদনকারী, সংরক্ষণকারী, বিপণনকারী বা বিতরণকারী বা যাহার দখলে থাকিবে তদকর্তৃক আইনের ১৪(৫) ধারা অনুযায়ী তাহাকে ব্যবস্থা গ্রহণ করিতে হইবে।

(২) উপ-বিধি (১) এ প্রদত্ত বিধান অকার্যকরতার ক্ষেত্রে আইনের ধারা ১৪(৭) এ নির্দেশিত পন্থায় ব্যবস্থা গ্রহণ করিতে হইবে।

১৪। **আবশ্যিকীয় উদ্ভিদ পুষ্টি উপাদানের ঘাটতি (Essential Plant Nutrient Deficiency)**।—(১) আইনের ধারা ১৫(১) এ বর্ণিত কোন সারের নিশ্চয়তা বিশ্লেষণের ক্ষেত্রে (Guaranteed Analysis) নির্ধারিত ইনভেস্টিগেশনাল এ্যালাউন্স (Investigational Allowance) দ্বারা উদ্ভিদের এক বা একাধিক আবশ্যিকীয় পুষ্টি উপাদানের ঘাটতি নিরূপণ করা হইবে এবং একটি পুষ্টি উপাদানের ঘাটতি মেটানোর জন্য বিকল্প হিসাবে অন্যকোন উপাদানের অধিক নিশ্চয়তা (Over Guarantee) গ্রহণযোগ্য হইবে না।

(২) উপ-বিধি (১) এ বর্ণিত ঘাটতির জন্য দায়ী ব্যক্তি সার (ব্যবস্থাপনা) আইন, ২০০৬ এর ধারা ১৫(২) মোতাবেক দণ্ডিত হইবেন।

১৫। **বিনির্দেশ (Specification) জারী।**—সার, সার জাতীয় দ্রব্য বা কাঁচামালে রাসায়নিক দূষকের সর্বোচ্চ গ্রহণযোগ্য মাত্রা **তফসিল-১** এর **অংশ-ক** অনুযায়ী এবং আবশ্যিকীয় উদ্ভিদ পুষ্টি উপাদানের ঘাটতি **তফসিল-১** এর **অংশ-খ** অনুযায়ী নির্ধারিত হইবে।

### তফসিল-১

#### অংশ-ক

সার বা সার জাতীয় দ্রব্যে রাসায়নিক দূষকের সর্বোচ্চ গ্রহণযোগ্য (Allowable) মাত্রা

ক্রমিক নং	দূষণ উপাদানের (Element) নাম	সর্বোচ্চ গ্রহণযোগ্য (Allowable) মাত্রা
(১)	আর্সেনিক (Arsenic)	৫০ পিপিএম (ppm)
(২)	ক্যাডমিয়াম (Cadmium)	১০ পিপিএম (ppm)
(৩)	লেড (Lead)	১০০ পিপিএম (ppm)
(৪)	মার্কুরী (Mercury)	৫ পিপিএম (ppm)
(৫)	ক্রোমিয়াম (Chromium)	৫০০ পিপিএম (ppm)
(৬)	নিকেল (Nickel)	৫০ পিপিএম (ppm)

## তফসিল-১

## অংশ-খ

## ইনভেস্টিগেশনাল এ্যালাউন্সেস (Investigational Allowances)

১। যদি সারের আবশ্যকীয় কোন উদ্ভিদ পুষ্টি উপাদানের (Plant nutrients) বিশ্লেষণ (Analysis) প্রত্যায়িত নিশ্চয়তা বিশ্লেষণ (Certified Guaranteed Analysis) এর অপেক্ষা কম হয় এবং ঘাটতির পরিমাণ নিম্নের সিডিউলে প্রদর্শিত Investigational Allowances (IA) এর তুলনায় অধিক হয়, তাহা হইলে ঐ সার আইনের ধারা ১৫ (১) অনুসারে নির্দিষ্ট পুষ্টি উপাদান ঘাটতিসম্পন্ন বলিয়া বিবেচিত হইবে :—

নিশ্চয়তা প্রদত্ত হার	নাইট্রোজেনের শতকরা ঘাটতির হার (Nitrogen-N)	ফসফেটের শতকরা ঘাটতির হার (Phosphate-P2 O5)	পটাশের শতকরা ঘাটতির হার (Potash-K2O)
১-৪	০.৪৯	০.৬৭	০.৪১
৫	০.৫১	০.৬৭	০.৪১
৬	০.৫২	০.৬৭	০.৪৩
৭	০.৫৪	০.৬৮	০.৪৭
৮	০.৫৫	০.৬৮	০.৫৩
৯	০.৫৭	০.৬৮	০.৬০
১০	০.৫৮	০.৬৯	০.৬৫
১১-১২	০.৬১	০.৬৯	০.৭৯
১৩-১৪	০.৬৩	০.৭০	০.৮৭
১৫-১৬	০.৬৭	০.৭০	০.৯৪
১৭-১৮	০.৭০	০.৭১	১.০১
১৯-২০	০.৭০	০.৭২	১.০৮
২১-২২	০.৭৫	০.৭২	১.১৫
২৩-২৪	০.৭৮	০.৭৩	১.২১
২৫-২৬	০.৮১	০.৭৩	১.২৭
২৭-২৮	০.৮৩	০.৭৪	১.৩৩
২৯-৩০	০.৮৬	০.৭৫	১.৩৯
> ৩১	০.৮৮	০.৭৬	১.৪৪

২। যদি একটি সারের মাধ্যমিক (Secondary) এবং মাইক্রো (Micro) নিউট্রিয়েন্টসমূহের বিশ্লেষণ (Analysis) প্রত্যায়িত নিশ্চয়তা বিশ্লেষণ (Certified Guaranteed Analysis) এর অপেক্ষা কম হয় এবং ঘাটতির পরিমাণ নিম্নের সিডিউলে প্রদর্শিত Investigational Allowances (IA) এর তুলনায় অধিক হয়, তাহা হইলে ঐ সার নির্দিষ্ট পুষ্টি উপাদান ঘাটতিসম্পন্ন বলিয়া বিবেচিত হইবে :

উপাদান (Element)	ইনভেস্টিগেশনাল এ্যালাউন্সেস (Investigational Allowances)
ক্যালসিয়াম (Calcium)	০.২+প্রদত্ত নিশ্চয়তা হার এর ৫%
ম্যাগনেসিয়াম (Magnesium)	০.২+প্রদত্ত নিশ্চয়তা হার এর ৫%
সালফার (Sulphur)	০.২+প্রদত্ত নিশ্চয়তা হার এর ৫%
জিংক (Zinc)	০.০০৫+প্রদত্ত নিশ্চয়তা হার এর ১০%
বোরন (Boron)	০.০০৩+প্রদত্ত নিশ্চয়তা হার এর ১৫%
মলিবডেনাম (Molybdenum)	০.০০০১+প্রদত্ত নিশ্চয়তা হার এর ৩০%
ক্লোরিন (Chlorine)	০.০০৫+প্রদত্ত নিশ্চয়তা হার এর ১০%
কপার (Copper)	০.০০৫+প্রদত্ত নিশ্চয়তা হার এর ১০%
আয়রন (Iron)	০.০০৫+প্রদত্ত নিশ্চয়তা হার এর ১০%
ম্যাংগানিজ (Manganese)	০.০০৫+প্রদত্ত নিশ্চয়তা হার এর ১০%
সোডিয়াম (Sodium)	০.০০৫+প্রদত্ত নিশ্চয়তা হার এর ১০%
কোবাল্ট (Cobalt)	০.০০০১+প্রদত্ত নিশ্চয়তা হার এর ৩০%

প্রদত্ত সিডিউল অনুসারে যখন গণনা করা হইবে তখন সর্বাধিক প্রদেয় এ্যালাউন্স শতকরা ১ ভাগ হইবে।

তফসিল-২  
“ফরম-১”

[ বিধি ৪(১) দ্রষ্টব্য ]

সার উৎপাদন নিবন্ধনের আবেদনপত্র

১। আবেদনকারীর নাম	:	আবেদনকারীর সত্যায়িত পাসপোর্ট সাইজের ছবি (২ কপি)
পিতার নাম	:	
মাতার নাম	:	
বিস্তারিত ঠিকানা	:	
২। প্রতিষ্ঠানের নাম ও ঠিকানা	:	
৩। কারখানার নাম, অবস্থান ও ঠিকানা	:	
৪। উৎপাদিত সারের বিনির্দেশ	:	
৫। কারখানার কারিগরী যোগ্যতাসম্পন্ন কর্মচারীর নাম ও শিক্ষাগত যোগ্যতা (প্রমাণপত্রসহ) :		
৬। উৎপাদন প্রক্রিয়ার বিস্তারিত বিবরণ	:	
৭। উৎপাদিত সারের গুনাগুণ পরীক্ষার জন্য কারখানার নিজস্ব পরীক্ষাগার সংক্রান্ত তথ্যাদি (সংশ্লিষ্ট উপ-পরিচালক, ডিএই কর্তৃক প্রত্যায়িত) :		
৮। আবেদনকৃত সারের সাম্প্রতিক (তিন মাসের মধ্যে) রাসায়নিক বিশ্লেষণ এর সত্যায়িত অনুলিপি (সরকার কর্তৃক বিনির্দিষ্ট পরীক্ষাগার থেকে প্রাপ্ত ফলাফল) :		
৯। বাংলাদেশ ক্ষুদ্র ও কুটির শিল্প সংস্থা/বিনিয়োগ বোর্ড এর নিবন্ধন সনদপত্রের সত্যায়িত অনুলিপি :		
১০। আবেদনকারীর টিআইএন নম্বর :		
১১। ট্রেড লাইসেন্সের সত্যায়িত অনুলিপি :		
১২। বিএফএ এর (প্রযোজ্য ক্ষেত্রে) চলতি বৎসরের সদস্য সনদের সত্যায়িত অনুলিপি :		
১৩। আবেদনকারীর বিপণন কেন্দ্রসমূহের নাম ও ঠিকানা :		
১৪। নিবন্ধন ফি জমা প্রদানের ট্রেজারী চালান নম্বর ও তারিখ (মূল কপিসহ) :		

আমি এই মর্মে ঘোষণা করিতেছি যে, উপরে বর্ণিত সমুদয় তথ্যাদি সঠিক।

আবেদনকারীর স্বাক্ষর :

তারিখ :



তফসিল-২  
“ফরম-২”

[ বিধি ৪(১) দ্রষ্টব্য ]

সার আমদানী নিবন্ধনের আবেদনপত্র

- ১। আবেদনকারীর নাম :  
পিতার নাম :  
মাতার নাম :  
বিস্তারিত ঠিকানা :
- ২। প্রতিষ্ঠানের নাম ও ঠিকানা :
- ৩। আমদানীকৃত সারের বিনির্দেশ :
- ৪। ফ্রেইট/ফরওয়ার্ডিং কোম্পানীর নাম ও ঠিকানা (প্রমাণপত্রসহ) :
- ৫। উৎপাদনকারী দেশের নাম :
- ৬। আমদানীকৃত সারের গুণাগুণ পরীক্ষার জন্য কারখানার নিজস্ব পরীক্ষাগার সংক্রান্ত তথ্যাদি (সংশ্লিষ্ট উপ-পরিচালক, ডিএই কর্তৃক প্রত্যায়িত) :
- ৭। বাংলাদেশ ক্ষুদ্র ও কুটির শিল্প সংস্থা/বিনিয়োগ বোর্ড এর নিবন্ধন সনদপত্রের সত্যায়িত অনুলিপি :
- ৮। আবেদনকারীর টিআইএন নম্বর :
- ৯। ট্রেড লাইসেন্সের সত্যায়িত অনুলিপি :
- ১০। বিএফএ এর (প্রযোজ্য ক্ষেত্রে) চলতি বৎসরের সদস্য সনদের সত্যায়িত অনুলিপি :
- ১১। আবেদনকারীর বিপণন কেন্দ্রসমূহের নাম ও ঠিকানা :
- ১২। নিবন্ধন ফি জমা প্রদানের ট্রেজারী চালান নম্বর ও তারিখ (মূল কপিসহ) :

আমি এই মর্মে ঘোষণা করিতেছি যে, উপরে বর্ণিত সমুদয় তথ্যাদি সঠিক।

আবেদনকারীর স্বাক্ষর :

তারিখ :

## তফসিল-২

## “ফরম-৩”

## [ বিধি ৪(১)-দ্রষ্টব্য ]

সার সংরক্ষণ, বিতরণ, বিপণন, পরিবহন এবং বিক্রয়ের জন্য আবেদনপত্র

আবেদনকারীর সত্যায়িত পাসপোর্ট সাইজের ছবি (৫ কপি)
--

- ১। আবেদনকারীর নাম :  
পিতার নাম :  
মাতার নাম :  
বিস্তারিত ঠিকানা :
- ২। সার সংরক্ষণ সুবিধার বিবরণ :
- ৩। সার বিতরণ/বিপণন সুবিধার বিবরণ :
- ৪। সার পরিবহন সুবিধার বিবরণ :
- ৫। সার বিক্রয় পদ্ধতির বিবরণ :
- ৬। বাংলাদেশ ক্ষুদ্র ও কুটির শিল্প সংস্থা/বিনিয়োগ বোর্ড এর নিবন্ধন সনদপত্রের সত্যায়িত অনুলিপি :
- ৭। আবেদনকারীর টিআইএন নম্বর :
- ৮। ট্রেড লাইসেন্সের সত্যায়িত অনুলিপি :
- ৯। বিএফএ এর (প্রযোজ্য ক্ষেত্রে) চলতি বৎসরের সদস্য সনদের সত্যায়িত অনুলিপি :
- ১০। আবেদনকারীর বিপণন কেন্দ্রসমূহের নাম ও ঠিকানা :
- ১১। নিবন্ধন ফি জমা প্রদানের ট্রেজারী চালান নম্বর ও তারিখ (মূল কপিসহ) :

আমি এই মর্মে ঘোষণা করিতেছি যে, উপরে বর্ণিত সমুদয় তথ্যাদি সঠিক।

আবেদনকারীর স্বাক্ষর :

তারিখ :

তফসিল-২

“ফরম-৪”

[ বিধি ৪(১) দ্রষ্টব্য ]

নিবন্ধন নবায়নের জন্য আবেদনপত্র

আবেদনকারীর সত্যায়িত পাসপোর্ট সাইজের ছবি (৫ কপি)
--

বরাবর

নিবন্ধন কর্তৃপক্ষ

.....

.....

মহোদয়,

সার (ব্যবস্থাপনা) বিধিমালা, ২০০৭ এর আওতায়.....তারিখে সার উৎপাদন/সার আমদানী/সার সংরক্ষণ, বিতরণ, বিপণন, পরিবহন এবং বিক্রয়ের জন্য প্রাপ্ত নিবন্ধন নম্বর এর মেয়াদ আগামী.....তারিখ উত্তীর্ণ হইবে বিধায় উহা নবায়নের জন্য আবেদন করিতেছি। বিস্তারিত তথ্যাদি নিম্নে প্রদত্ত হইল :

- ১। প্রতিষ্ঠানের নাম ও ঠিকানা :
- ২। নবায়নতব্য নিবন্ধন নম্বর, নিবন্ধন প্রাপ্তির তারিখ ও নিবন্ধনের মেয়াদকাল (ফটোকপি সংযুক্ত) :
- ৩। প্রতিষ্ঠানের ২ (দুই) বৎসরের কার্য সম্পাদন প্রতিবেদন (দুইপ্রস্থ) :
- ৪। নিবন্ধনের শর্তাবলী কখনো ভঙ্গ করা হইয়াছে কিনা ? হইয়া থাকিলে উহার বিস্তারিত বিবরণ :
- ৫। নিবন্ধন কর্তৃপক্ষ বরাবরে (অফেরৎযোগ্য) নবায়ন ফিস বাবদ.....টাকার ব্যাংক ড্রাফট, পে-অর্ডার বা চালানপত্র :
- ৬। নিবন্ধনকারীর (স্বত্বাধিকারী/অংশীদার/ব্যবস্থাপনা পরিচালক/পরিচালক) বিরুদ্ধে কোন ফৌজদারী অথবা দেওয়ানী মামলা আদালতে বিচারাধীন থাকিলে উহার বিস্তারিত বিবরণ :  
দরখাস্তকারীর বিরুদ্ধে শাস্তিমূলক ব্যবস্থা গ্রহণ করা হইয়া থাকিলে উহার বিস্তারিত বিবরণ :

আমি ঘোষণা করিতেছি যে, উপরে বর্ণিত যাবতীয় তথ্যাবলী সত্য। যদি কোন সময় উক্ত তথ্যাবলীর কোন একটি তথ্য মিথ্যা বা কাল্পনিক বলিয়া প্রমাণিত হয়, তাহা হইলে নিবন্ধন কর্তৃপক্ষ নিবন্ধন বাতিলসহ আমার বা আমাদের বিরুদ্ধে যে কোন আইনানুগ ব্যবস্থা গ্রহণ করিতে পারিবে।

আবেদনকারীর নাম :

তারিখ :

## “ফরম-৫”

[ বিধি ৪(৭) দ্রষ্টব্য ]

গণপ্রজাতন্ত্রী বাংলাদেশ সরকার

নিবন্ধনকারী কর্তৃপক্ষ

সার নিবন্ধন সনদ

রেজিস্ট্রেশন নং :

তারিখ :

....., পিতা : .....

ঠিকানা : .....কে নিম্নোক্ত সার উৎপাদন/আমদানী/সংরক্ষণ, বিপণন,  
পরিবহন বিক্রয়ের জন্য.....তারিখ হইতে.....তারিখ পর্যন্ত পাঁচ  
বছরের জন্য নিবন্ধন সনদ ইস্যু করা হইল।

সারের বিবরণ :

(ক) নাম : .....

(খ) উপাদানসমূহ : .....

.....

নিবন্ধনকারী কর্তৃপক্ষের স্বাক্ষর ও সীলমোহর

রষ্ট্রপতির আদেশক্রমে

এম আবদুল আজিজ এনডিসি

সচিব।

এ, কে, এম রফিকুল ইসলাম (উপ-সচিব), উপ-নিয়ন্ত্রক, বাংলাদেশ সরকারী মুদ্রণালয়, ঢাকা কর্তৃক মুদ্রিত।  
মোঃ আখতার হোসেন (উপ-সচিব), উপ-নিয়ন্ত্রক, বাংলাদেশ ফরম ও প্রকাশনা অফিস,  
তেজগাঁও, ঢাকা কর্তৃক প্রকাশিত।